

BOSNA I HERCEGOVINA

Konkurencijsko vijeće



БОСНА И ХЕРЦЕГОВИНА

Конкуренцијски савјет

MIŠLJENJE

po zahtjevu advokata Starčević Jasmina, ul. Blažuj 78, Blažuj

o obavezi podnošenja prijave koncentracije

Sarajevo,

decembar, 2024. godine



Broj: 07-26-7-018-5/24
Sarajevo, 23.12.2024. godine

Konkurencijsko vijeće Bosne i Hercegovine, na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05 , 76/07 i 80/09), a po Zahtjevu advokata Starčević Jasmina, ul. Blažuj 78, Blažuj, na svojoj 20. sjednici održanoj dana 23.12.2024. godine, donijelo je

MIŠLJENJE

Advokatska kancelarija Starčević, ul. Blažuj 78, Blažuj, ovlaštena od strane društva „SEJARI“ Holding GmbH iz Njemačke, kao većinskog vlasnika društva ¹(..)** (u daljem tekstu: Podnosilac zahtjeva) podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) o obavezi podnošenja prijave koncentracije, zaprimljen dana 24.10.2024. godine pod brojem 07-26-7- 018-1/24.

Podnosilac zahtjeva u istom navodi:

- da je privredni subjekt „SEJARI“ Holding GmbH većinski vlasnik društva (..)**, sa udjelom od 73,2176% ili (..)** dionica, još od 2014. godine;
- (..)**;
- da su prema, uz zahtjev dostavljenom aktuelnom izvodu iz sudskog registra od 13.5.2024. godine, 100% osnivači privrednog subjekta (..)**, dioničari prema priloženoj listi;
- da je u listi vlasnika vrijednosnih papira/listi dioničara, izdatoj od strane Registra vrijednosnih papira u Federaciji Bosne i Hercegovine, na dan 21.5.2024. godine, za privredni subjekt (..)**, evidentirano ukupno vrijednosnih papira sa pravom glasa (..)**, od čega privredni subjekat „SEJARI“ Holding GmbH ima (..)**, što predstavlja 73,2176% od ukupnog broja dionica.

U skladu sa navedenim, Podnosilac zahtjeva traži mišljenje da li eventualnom kupovinom ostatka dionica u cjelosti ili djelimično, postoji obaveza većinskog vlasnika „SEJARI“ Holding GmbH, za podnošenjem prijave za ocjenu koncentracije privrednih subjekata Konkurencijskom vijeću, a sve u skladu sa Zakonom o konkurenciji ("Službeni glasnik BiH", br. 48/05 , 76/07 i 80/09) i Odlukom o načinu podnošenja prijave i kriterijuma za ocjenu koncentracija („Službeni glasnik BiH“, broj: 34/10) u smislu odredbi Zakona o konkurenciji.

Konkurencijsko vijeće u vezi obaveze prijave koncentracije navodi:

- Član 12. stav (1) Zakona o konkurenciji utvrđuje da se koncentracijom u smislu ovog Zakona smatra:

¹(..)** podatak predstavlja poslovnu tajnu

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
- 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu sa odredbama zakona koji reguliše osnivanje privrednih subjekata i njihovo upravljanje;
- c) zajedničko ulaganja na dugoročnoj osnovi, dva ili više nezavisnih privrednih subjekata, koji djeluju kao nezavisni privredni subjekt.

U skladu sa navedenim, smatra se da privredni subjekt (..) **, tj. ciljno društvo opisane namjeravane transakcije, nije nezavisni privredni subjekt, nego povezano društvo odnosno zavisno društvo privrednog subjekta „SEJARI“ Holding GmbH, uzimajući u obzir njegovu vlasničku strukturu odnosno činjenicu da se privredni subjekt (..) **, već nalazi u većinskom vlasništvu podnosioca zahtjeva, koji dakle od ranije ima kontrolu nad istim.

S obzirom na sve naprijed navedeno, Konkurencijsko vijeće smatra, da opisana potencijalna transakcija sticanja preostalog dijela dionica u privrednom subjektu (..) **, od strane podnosioca zahtjeva, ne predstavlja koncentraciju u smislu člana 12. Zakona o konkurenciji tj. ne postoji obaveza prijave iste u smislu odredbi Zakona o konkurenciji.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Ivo Jerkić